

書名 錦繡萬花谷別集三十卷 嘉靖十五年序錫山秦汴鑄石書堂刊本後修

撰者 宋 闕名 撰 卷 卷二十四

內容分類 子-類書-彙考-宋 索書號 大木-子部-類書類-31

編號 C5924800

# 卷二十四

彩色首頁1

[東洋文化研究所漢籍目錄](#) 編號: C5924800

[東洋文化研究所漢籍目錄所藏漢籍善本全文影像資料庫](#) 索書號: 大木-子部-類書類-31

[漢籍善本全文影像資料庫](#) 文本 [錦繡萬花谷別集三十卷](#) / [嘉靖十五年序錫山秦汴鑄石書堂刊本後修](#)

版權所有: [東京大學](#) [東洋文化研究所](#)  
[使用上的注意事項](#)

錦繡萬花谷別集卷之一

陔註

銅儀

述征

南高

入下

天運

百年

闕名

陔 廣雅云九天之際曰九垓九天之外次曰九垓也陔階也言階次有九

銅 名臣奏曰今史官所用候臺銅儀則混天法也

述 曰長安南有靈臺上有銅渾天儀

南 晉天文志天形南高而北下日出高故見日

入 不見天之居如倚蓋

天 漢天文志天運三十歲一小變百年中變五


百 二大變一紀三紀而大備

闕 太元經闔天謂之宇闔天謂之宙

周 唐天文志元宗詔一行與梁令瓚鑄



0 1 2 3 4 5 6 7 8 9 30 1 2 3 4 5 6 7 8 9 4





萬花谷別集卷之二十四

宮殿

**宮殿**音史記始皇作前殿阿房東西五百步南北五十丈上可以坐萬人下可以建五丈旗又杜牧阿房宮賦蜀山兀阿房出覆壓三百餘里隔離天日驪山北構而西折直走咸陽三川溶溶流入宮墻五步一樓十步一閣廊腰縵迴簷牙高啄

**鳳閣虎圈**

漢太初元年作建章宮度為千門萬戶東則

鳳閣西則虎圈北治大池漸臺名曰太液南有玉堂輦道相屬焉度子各反漸子廉反

**珠殿**

李太白宮中行樂詞玉樓巢翡翠珠殿鎖鴛鴦選

妓隨雕輦徵歌出洞房宮中誰第一飛燕在昭陽

四十四



**柳浦為誰綠** 杜哀江頭詩少陵野老吞聲哭春日潛行  
曲江曲江頭宮殿鎖千門細柳新蒲為誰綠

**詩** 梧桐葉生綠陰陰長聲短聲弄春禽曉煙入窓簾  
重日影未透春沉沉風吹細管無尋處霧隔樓臺花隔  
霧闌干屈曲閣道通漢宮十里皆相似鳴車玲瓏下星  
橋扶上雲端望赭袍霹靂一聲宮仗過唯見月明金殿  
高右沈存中漢宮詩

**宅舍**

**木床葦席** 杜寄舍弟詩庾信羅含俱有宅黃註云庾信  
因侯景之亂自建康遁歸江陵居宋玉故宅宅在城北  
三里又師註云羅含為桓温別駕以解舍喧擾於江陵  
城西三里小洲上立茅屋伐木為床織葦為席而居布

衣蔬食晏如也後安成王在鎮以其宅借錄事劉朗之  
見一丈夫衣冠甚偉朗之驚問忽然失之人謂含有神

**佳宅直二百萬** 唐馬周為御史時遣人以圖購宅衆以  
其與書生素無貲皆竊笑他日自有佳宅直二百萬周  
遽以聞詔有司給直并賜奴婢什物由是人乃悟

**淮南子** 大厦成而燕雀知賀

**萬間庇寒士** 杜茅屋詩安得廣厦千萬間大庇天下寒  
士俱歡顏風雨不動安如山嗚呼何時眼前突兀見此  
屋吾廬獨破受凍死亦足

**夏屋旡懔** 揚吾子篇震風凌雨然後知夏屋之旡懔也

**治第東都** 裴度治第東都沼石林叢岑繞幽勝午橋作  
別墅具煥館涼臺號綠野堂度野服與白居易劉禹錫



文章把酒

**桑樞斧牖** 莊子讓王篇原憲居魯環堵之室桑樞斧牖  
**蝸牛廬** 魏志胡昭傳註隱者焦光作圓舍形如蝸牛謂  
之蝸牛廬

**辛勤三十年** 韓文辛勤三十年以有此屋廬

**敬廬避風雨** 文中子有先人之故廬在可以避風雨

階庭

**芝蘭玉樹** 晉書謝元為叔父安所器重安常戒約子弟

元答曰譬如芝蘭玉樹欲使其生於階庭耳安大悅

**金甌** 文選西京賦金甌玉階彤庭輝輝

**左城** 文選班固西都賦左城右平重軒三階註城階級

也

**文陛** 梅福傳願一登文石之陛踐赤墀之塗又沈休文  
碑升降文陛註云以文石砌之

**三等** 司馬遷傳堯舜堂高九尺土階三等

**種棠** 潘岳詩前庭種沙棠

**楸生** 韓文庭楸止五株共生百步間

門牆

**通德門** 後漢鄭玄字康成孔融造門告高密縣曰昔于  
公僅有一節猶侈其門閭矧鄭公之德而無駟牡之路  
可廣開門衢令容高車號為通德門

**雷門** 漢王尊曰毋持布鼓過雷門註云雷門檜城門也  
有大鼓越擊此鼓聲聞洛陽布鼓以布為鼓

**剝啄** 韓文剝剝啄啄有客至門我不出應客去而嗔



**掃軌**後漢杜密傳同郡劉勝自蜀郡告歸鄉里閉門掃軌無所不及

**無丹青之彩**劉向新序諸侯垣牆無丹青之彩

**蔽隱形容**釋名墉容也所以蔽隱形容

**門銘**李尤門銘之設張為宅表會

**多車轍**陳平家貧以席為門外多長者車轍

**登龍**後漢李膺以聲名自高士被其容接者名登龍門

**無卿相輿**左太冲詩寂寂揚子宅門無卿相輿

**羅雀**前後翟公為廷尉賓客填門及廢門外可設雀羅

**金馬**史金馬門者署門旁有銅馬故謂之金馬門

**樓閣**

**辰氣**漢書曰海旁蜃氣象樓臺廣稷氣成宮闕

**井幹樓**漢宮殿疏云井幹樓積木而高為樓若井幹之

形也井幹者井上木欄也其形或四角或八角張衡西

京賦云井幹豐而百層

**乘月清嘯**晉劉琨在晉陽嘗為胡騎所圍數重窘迫無

計琨乃乘月登樓清嘯賊聞之皆凄然長嘆中夜奏胡

笳賊又流涕有懷土之功向曉復吹之賊並棄圍而去

**五層**幽明錄鄴城五層樓

**八詠**沈休文有八詠樓

**候神人**史黃帝為樓候神人

**芳塵**拾遺記石虎起樓四十丈以雜寶異香為屑風作

則揚之名芳塵

**吹簫**列仙傳秦穆公女登樓吹簫感鳳來



**臨春**南史陳後主起臨春結綺望春三閣皆以沉檀香木為之

**詩**未登快閣心先快紅日半簷秋雨晴宇宙無邊萬山立雲煙不動八窓明飛來一鶴天相近過盡千帆江自橫借問金華老仙伯我人無忝入詩盟戴石谷留題之韻鄂州州前山頂頭上有縹緲百尺樓大開牕戶納宇宙高插闌干侵斗牛我疑脚踏蒼龍背下瞰八荒無內外江渚鱗差十萬家淮楚荆湖一都會西風吹盡庾公塵秋影涵空動碧雲欲識古今興廢事細看文簡李公文蘇軾謝州北固樓前一笛風碧雲飛盡建康宮江南二月多芳草春在濛濛細雨中韓偓飛字橫天末回欄下水簷卷簾干嶂月凭檻一溪春疊嶂樓中秋光着地清

如瀟拂座輕雲行玉馬晴谿雙影上青冥風動波光搖碧瓦凝嵐欲開天映水重重翠巘冰紈裏曲垣秀拱繚層城斗上蒼崖見雲起春泉竹徑煙曛曉盡橈落處江如空晴天遠樹礙孤嶼清轉喉管低霜鴻人散日斜歸鳥息葉底秋聲含暮色半天簾幙煙霧中海雲不動蓬山碧沈存中宣城詩雙峯直上與天參僧共白雲棲一菴今古詩人吟不盡好山無數滿江南郭微閣子山

亭臺

**沉香為亭**唐淮南壯王道元六世孫漢字南紀累遷左拾遺敬宗修宮室舶賈獻沉香亭材帝受之漢諫曰以沉香為亭何異瑤臺瓊室乎

**益亭**唐孟浩然王維過郢州畫浩然像於刺史亭因曰



浩然亭咸通中鄭誠謂賢者名不可斥更曰孟亭

**勞勞亭**李白勞勞亭詩天下傷心處勞勞送客亭春風知別苦不遣柳條青

**趙公亭**李白趙公西候新亭頌耽耽高亭趙公所營如鼇背突兀於太清如鵬翼開張而欲行

**寒亭**雲齋廣錄云荆門軍玉泉山寒亭過客多題詩獨一篇云朔風凜凜雪漫漫未是寒亭分外寒六月火雲天不雨請君來此凭闌干

**神明臺**師古曰漢宮殿疏云神明臺高五十丈上有九室恒置九天道士百人

**登單于臺**漢武帝紀登單于臺勒兵十八萬騎旌旗徑千餘里

**精思亭**唐李德裕私第有精思亭

**戲馬臺**項羽築戲馬臺又南齊書宋武帝為宋公子時在彭城九月九日遊戲馬臺今相承以為故事

**倚遍南樓更鶴樓**小亭瀟洒更宜秋接天煙浪來三峽隔岸接臺又一州豪傑不生機事息古今無盡大江

流凭闌日暮懷鄉國崔顥詩中舊日愁瀦灑灑亭尋幽覽勝老猶勤但覺吟身瘦幾分淨洗一生塵土眼細看

七十二峯雲石屏嶽亭勝亭下新池好亭中古意存欲通溪上路逐關竹邊門自昔好賓客相傳到子孫會看

司命鶴時到種瓜園石屏嶽亭黃仲登臨舒老眼弔古得淒涼故國自龍虎高臺無鳳凰浮雲多改變喬木見興

亡往事渾休問鍾山又夕陽石屏嶽皇臺



池塘

**曲江池** 康駢劇談錄曲江池本秦隄州開元中疏鑿為  
妙境花卉周環煙木明媚都人遊玩盛於中和節江側  
菰蒲蔥翠柳陰四合碧波紅蕖湛然可愛

**大液池** 前漢郊祀志武帝甘泉作建章宮其北治大池  
名曰太液池中有蓬萊方丈海中神山

**昆明池** 潘岳關中記漢武帝習水戰作昆明池又西征  
賦昆明池湯湯漣漣泥濘瀟瀟漫

**衝破琉璃** 王筠詩扁舟泛西池衝破碧琉璃

**生春草** 謝靈運思詩不就忽夢弟惠連即得池塘生春  
草之句大以為工

苑園

**西京雜記**云京城龍華寺南有流水屈曲謂之  
曲江在秦時為宜春苑漢時為樂遊苑

**史記**秦始皇欲大苑囿優旃曰善多縱禽  
獸於其中寇從東方來令麋鹿觸之足矣始皇輟止二  
世立又欲漆其城旃曰佳哉漆城蕩蕩寇來不能上二  
世笑而止

**唐蘇良嗣傳**裴匪躬案諸苑建言鬻果蔬  
儲利蘇公止良嗣曰公儀休一諸侯相拔葵去織未聞  
天子賣果蔬與人爭利遂止

**漢晉苑** 徐堅初學記漢有上林樂遊博望黃山後漢有  
鴻德畢圭靈昆廣成諸苑晉有平樂鹿子桑梓諸苑  
**博望** 漢書戾太子既冠就宮為立博望苑使通賓客



**蘊新蒸** 風俗通曰苑蘊也言薪蒸所蘊積也

**養百獸** 漢舊儀苑中養百獸祠用鹿麋

**獵禽獸** 漢舊儀天子秋冬射獵苑中取禽獸

**漢名苑** 漢書其名苑有天苑禁苑上苑

**植木築土** 說文植木為苑築土為囿又云草木為苑禽

獸為囿

**鳥栖** 張協七命囿栖三足之鳥

**域禽獸** 詩疏云囿者築墻為界域故云域禽獸

**原囿具囿** 左僖三十三年鄭之有原囿猶秦之有具囿

也

### 井

**轆轤** 則漢陳遵每大飲賓客滿堂輒取客車轆改井

有急終不得去

**拜井** 耿恭以疏勒城傍有澗水可固引兵據之匈奴擁

絕澗水恭於城中穿井十五丈不得水乃向井再拜為

吏士禱有頃水奔

**不瀉** 蘇氏演義小說載金陵記曰南計吏止于傳舍

間及將就路以馬殘草瀉於井中而去謂無再過之期

不又復由此飲於井遂為昔時坐刺喉而死故後人戒

之曰千里井不瀉

**木飲** 酉陽雜俎云木飲州珠崖一州其地無水民不作

井皆仰樹汁為用

**無井國** 酉陽雜俎云仍建國無井及河澗所有種植待

雨而生以紫鑛泥地承雨水用之穿井即若海水又鹹



土俗潮落之後平地為池收魚以作食

**半青半黃**西陽雜俎云石陽縣有井水半青半黃黃者如灰汁取作粥飲悉作金色氣甚芬馥

**掘井得船**西陽雜俎云烏山下無水魏末有人掘井五丈得一石函函中得一龜大如馬蹄復掘三丈遇盤石下有水流洶洶然遂鑿石穿水比流甚駛俄有一船觸石而上匠人窺船上得一杉木板刻字曰吳赤烏二年八月十日武昌王子義之船

**鑽羊**史記孔子世家魯定公五年季桓子穿井得土在中石若羊仲尼曰土之怪鑽羊

**素綆汲寒漿**大詩後園鑿井銀作床金瓶素綆汲寒漿  
**桔槔**說苑有丈夫負在入井人教以重後輕前名曰桔

樸丈夫曰機智之巧必有機心吾耻不為

錦繡萬花谷別集卷之二十四